




ПОСЛѢДОВАНИЕ  
ВО СВЯТУЮ И ВЕЛИКУЮ  
НЕДѢЛЮ ПАСХИ

Русскій служитель  
Санктъ-Петербургъ



ПЕЧАТЬ ПОЗВОЛЯЕТСЯ,  
*Высокопреосвященный Софроній,  
архієпископъ  
Санктпетербургскій и Стъверорусскій.*

Сіє послѣдованіе напечатано  
во градѣ Святаго Апостола Петра  
въ лѣто отъ сотворенія міра 7522,  
отъ Рождества Христова 2014.



## ВО СВЯТУЮ И ВЕЛИКУЮ НѢДЕЛЮ ПАСХИ НА УТРЕНИ.

Іерей въ полномъ свѣтлѣйшемъ облаченіи, принявъ въ лѣвую руку честный Крестъ и трехсвѣчникъ, а въ правую кадило, начинаетъ съ алтарными пѣть 1-й разъ совсѣмъ тихо — Воскресеніе Твое, Христе Спасе: совершая каждое вѣнчаніе вокругъ престола. Отверзается завѣса и поютъ въ алтарѣ нѣсколько громче вторично — Воскресеніе Твое, Христе Спасе: снова кадится престоль. И отверзаются царскія врата, и торжественно, полногласно, поется въ алтарѣ 3-й разъ:

*стихира, гласъ 6.*

Воскресеніе Твое Христе Спасе, Ангели поютъ на небесѣхъ, и насъ на земли сподоби, чистымъ сердцемъ Тебе славити.

Тотчасъ пѣвчіе: Воскресеніе Твое Христе Спасе: Начинается трезвонъ во всѣ колокола и исходятъ молящіяся крестнымъ ходомъ вокругъ церкви, поюще стихиру Воскресеніе Твое Христе Спасе.

Настоятель предъ великими враты церкви велегласно возглашаетъ:

Слава Святѣй, и Единосущнѣй, и Животворящей, и Нераздѣльнѣй Троицѣ, всегда, нынѣ и присно, и во вѣки вѣковъ.

Ликъ: Аминь.

Начинаетъ настоятель съ прочими служители, ве-

легласно тропарь, во гласъ 5-й.

Христосъ воскресе изъ мертвыхъ, смертію смерть поправъ, и сущимъ во гробѣхъ животь даровавъ (*трижды*).

*И ликъ поеть тойже тропарь трижды.*

*Таже настоятель глаголетъ стихи:*

*Стихъ 1.* Да воскреснетъ Богъ, и расточатся врази Его: и да бѣжатъ отъ лица Его ненавидящїи Его.

*И на кїждо стихъ поемъ тропарь по единожды.*

*Ликъ:* Христосъ воскресе изъ мертвыхъ:

*Стихъ 2.* Яко исчезаетъ дымъ, да исчезнутъ, яко таетъ воскъ отъ лица огня.

*Ликъ:* Христосъ воскресе изъ мертвыхъ:

*Стихъ 3.* Тако да погибнуть грѣшницы отъ лица Божїя, а праведницы да возвеселятся.

*Ликъ:* Христосъ воскресе изъ мертвыхъ:

*Стихъ 4.* Сей день егоже сотвори Господь, возрадуемся и возвеселимся вонь.

*Ликъ:* Христосъ воскресе изъ мертвыхъ:

*Слава Отцу и Сыну и Святому Духу.*

*Ликъ:* Христосъ воскресе изъ мертвыхъ:

*И нынѣ и присно и во вѣки вѣковъ, аминь.*

*Ликъ:* Христосъ воскресе изъ мертвыхъ:

*Таже настоятель поеть вышшимъ гласомъ.*

Христосъ воскресе изъ мертвыхъ, смертію смерть поправъ.

**Ликъ:** И сущимъ во гробѣхъ животъ даровавъ.

И отверзаетъ настоятель, назнаменовавъ крестомъ, двери и входитъ съ честнымъ крестомъ, и входятъ вси въ церковь, поюще: Христось воскресе изъ мертвыхъ:

**Посемъ ектенія великая.**

Миромъ Господу помолимся.

**Возгласъ.** Яко подобаетъ Тебѣ всякая слава.

**Ликъ:** Аминь. Кажденіе алтаря, иконостаса и народа.

И начинаетъ настоятель канонъ, твореніе господина Іоанна Дамаскина, гл. 1: Воскресенія день. Ирмосы на 4, и тропари на 12, съ запѣвы: Христось воскресе изъ мертвыхъ. И паки послѣди кійждо ликъ ирмосъ. Послѣди же на сходѣ катаवासія, ирмосъ тойже: Воскресенія день. И по немъ: Христось воскресе изъ мертвыхъ: весь тропарь трижды.

**Канонъ Святыя Пасхи.**

**Пѣснь 1.**

**Ирмосъ.** Воскресенія день,/ просвѣтимся людіе,/ Пасха Господня Пасха!/ отъ смерти бо къ жизни,/ и отъ земли къ небеси,// Христось Богъ нашь преведе, побѣдную поющія.

**Запѣвъ.** Христось воскресе изъ мертвыхъ.

Очистимъ чувства, и узримъ/ неприступнымъ свѣтомъ воскресенія,/ Христа блистающася, и радуйтеся, рекуща,/ ясно да услышимъ,// побѣдную поюще.

**Запѣвъ.** Христось воскресе изъ мертвыхъ.

Небеса убо достойно да веселятся,/ земля же да радуется,/ да празднуетъ же міръ, видимый же весь и невидимый:// Христось бо воста, веселіе вѣчное.

*Богородичны господина Теофана и господина Иосифа.*

*Поємыя со второго дня св. Пасхи и до отданія.*

**Слава.** Умерщвленія предѣль сломила еси,/ вѣчную жизнь рождшая Христа,/ изъ гроба возсіявшаго днесъ,/ Дѣво всенепорочная,// и міръ просвѣтившаго.

**И нынѣ.** Воскресшаго видѣвши Сына Твоего и Бога,/ радуйся со апостолы Богоблагодатная Чистая:/ и еже радуйся первѣе,/ яко всѣхъ радости вина, воспріяла еси,// Богомати всенепорочная.

**Катавасія.** Воскресенія день:

**На койждо пѣсни, по катавасіи:** Христось воскрес: *трижды.*

**Таже ектенія малая, и возгласъ.**

Яко Твоя держава, и Твое есть царство, и сила, и слава, Отца, и Сына, и Святаго Духа, нынѣ и присно, и во вѣки вѣковъ.

**Ликъ:** Аминь.

**Пѣснь 3.**

**Ирмосъ.** Приидите пиво піемъ новое,/ не отъ камене неплодна чудодѣемое,/ но нетлѣнія источникъ,/ изъ гроба одождивша Христа,// въ Немже утверждаемся.

Нынѣ вся исполнишася свѣта,/ небо же и земля и преисподняя:/ да празднуетъ убо вся тварь/ востаніе Христова,// въ Немже утверждается.

Вчера спогребохся Тебѣ Христе,/ совостаю днесь воскресшу Тебѣ,/ сраспинахся Тебѣ вчера:// Самъ мя прослави Спасе во Царствіи Твоемъ.

*Богородичны.*

**Слава.** На нетлѣнную жизнь прихожду днесь/ благостию рождшагося изъ Тебе Чистая,// и всѣмъ концемъ свѣтъ облиставшаго.

**И нынѣ.** Бога Егоже родила еси плотію,/ изъ мертвыхъ, якоже рече,/ воставша видѣвши Чистая, ликуй:// и сего яко Бога Пречистая возвеличай.

**Таже ектенія малая, и возгласъ.**

Яко Ты еси Богъ нашъ, и Тебѣ славу возсылаемъ, Отцу, и Сыну, и Святому Духу, нынѣ и присно, и во вѣки вѣковъ.

**Ликъ:** Аминь.

**Ипакои, гласъ 4.**

Предварившыя утро еже о Маріи,/ и обрѣтшыя камень отваленъ отъ гроба,/ слышаху отъ Ангела: во свѣтѣ присносущнемъ Сущаго,/ съ мертвыми что ищите яко чловѣка;/ видите гробныя пелены, тецыте, и міру про-

повѣдите,/ яко воста Господь, умертвивый  
смерть,// яко есть Сынъ Бога, спасающаго  
родъ человѣческій.

*Пѣснь 4.*

*Ирмось.* На божественнѣй стражи,/ богогла-  
голивый Аввакумъ/ да станеть съ нами, и по-  
кажетъ/ свѣтоносна Ангела,/ ясно глаголюща:  
днесь спасеніе міру,/ яко воскресе Христось,//  
яко всесилень.

Мужескій убо полъ, яко разверзый дѣв-  
ственную утробу,/ явися Христось,/ яко че-  
ловѣкъ же:/ Агнецъ наречеся,/ Непорочень  
же, яко не вкусень скверны:/ наша Пасха,/ и  
яко Богъ истинень,// совершенъ речеся.

Яко единолѣтный Агнецъ,/ благословен-  
ный намъ вѣнецъ Христось,/ волею за всѣхъ  
закланъ бысть:/ Пасха чистительная,/ и паки  
изъ гроба красное// Правды намъ возсія  
Солнце.

Богоотець убо Давидъ, предъ сѣннымъ ков-  
чегомъ скакаше играя:/ людіе же Божіи свя-  
тіи,/ образовъ сбытіе зряще,/ веселимся бо-  
жественнѣ,/ яко воскресе Христось,// яко  
всесилень.

*Богородичны.*

*Слава.* Создавый Адама Твоего праотца Чи-



стая,/ зиждется отъ Тебе,/ и смертное жилище разори своею смертію днесь,// и озари вся божественными блистаньми воскресенія.

**И нынѣ.** Егоже родила еси Христа,/ прекрасно изъ мертвыхъ/ возсіявша Чистая зрящи,/ добрая и непорочная въ женахъ и красная,/ днесь во спасеніе всѣхъ:// со апостолы радующися Того прославляй.

**Таже ектенія малая, и возгласъ.**

Яко благъ и челоуѣколюбець Богъ еси, и Тебѣ славу возсылаемъ, Отцу, и Сыну, и Святому Духу, нынѣ и присно, и во вѣки вѣковъ.

**Ликъ:** Аминь.

**Пѣснь 5.**

**Ирмосъ.** Утренюемъ утреннюю глубоку,/ и вмѣсто мѣра пѣснь принесемъ Владыцѣ,/ и Христа узримъ/ правды Солнце,// всѣмъ жизнь возсіяюща.

Безмѣрное Твое благоутробіе,/ адовыми узами содержимии зряще,/ къ свѣту идяху, Христе,/ веселыми ногами,// Пасху хваляще вѣчную.

Приступимъ, свѣщеноснии,/ исходящу Христу изъ гроба яко жениху,/ и спразднуимъ любопряднственными чинми// Пасху Божію спасительную.

**Богородичны.**

**Слава.** Просвѣщается божественными лучами и живоносными/ воскресенія Сына Твоего,/ Богомати Пречистая,// и радости исполняется благочестивыхъ собраніе.

**И нынѣ.** Не разверзль еси врата дѣвства въ воплощеніи,/ гроба не разрушилъ еси печатей Царю созданія,/ отонудуже воскресшаго Тя зрящи Мати,// радовашеся.

**Таже ектенія малая, и возгласъ.**

Яко святися и прославися пречестное и великолѣпное имя Твое, Отца, и Сына, и Святаго Духа, нынѣ и присно, и во вѣки вѣковъ.

**Ликъ:** Аминь.

**Пѣснь 6.**

**Ирмосъ.** Снизшелъ еси въ преисподняя земли,/ и сокрушилъ еси верей вѣчныя,/ содержащія связанныя, Христе,/ и тридневенъ, яко отъ кита Іона,// воскресль еси отъ гроба.

Сохранивъ цѣла знаменія, Христе,/ воскресль еси отъ гроба,/ ключи Дѣвы не вредивый въ рождествѣ Твоемъ,// и отверзль еси намъ райскія двери.

Спасе мой, живое же и нежертвенное зачатіе,/ яко Богъ Самъ Себе волею приведь Отцу,/ совоскресилъ еси всероднаго Адама,// воскресъ отъ гроба.

**Богородичны.**

**Слава.** Возведеса древле держимое смертію и тлѣніемъ,/ воплотившимся отъ Твоего пречистаго чрева,/ къ нетлѣннѣй и присносущнѣй жизни,// Богородице Дѣво.

**И нынѣ.** Сниде въ преисподняя земли,/ въ ложесна Твоя, Чистая, сшедый,/ и вселивыйся и воплотивыйся паче ума,/ и воздвиже съ собою Адама,// воскресъ отъ гроба.

**Таже ектенія малая, и возгласъ.**

Ты бо еси Царь мира, и Спасъ душъ нашихъ, и Тебѣ славу возсылаемъ, Отцу, и Сыну, и Святому Духу, нынѣ и присно, и во вѣки вѣковъ.

**Ликъ:** Аминь.

**Кондакъ, гласъ 8.**

Аще и во гробъ снизшелъ еси, Безсмертне,/ но адову разрушилъ еси силу,/ и воскреслъ еси яко побѣдитель, Христе Боже,/ женамъ мруносицамъ вѣщавый: радуйтесь,/ и Твоимъ апостоломъ миръ даруйай,// падшымъ подай воскресеніе.

**Икосъ.** Еже прежде солнца, Солнце зашедшее иногда во гробъ,/ предвариша ко утру, ищущыя яко дне мруносицы дѣвы,/ и другá ко друзѣй вопіяху:/ о другини, пріидите, вонями помажемъ тѣло живоносное и погребенное,/ плоть воскресившаго падшаго Адама, лежащую во гробѣ./ Идемъ, потщим-

ся якоже волсви и поклонимся,/ и принесемъ мѹра яко дары,/ не въ пеленахъ, но въ плащаницѣ обвитому,/ и плачимъ, и возопимъ:// о Владыко, востани, падшымъ подай воскресеніе.

**Таже глаголемъ.**

Воскресеніе Христово видевши,/ поклонимся Святому Господу Іисусу,/ Единому безгрѣшному./ Кресту Твоему поклоняемся Христе,/ и святое Воскресеніе Твое поемъ и славимъ:/ Ты бо еси Богъ нашъ,/ развѣ Тебе иного не знаемъ,/ имя Твое именуемъ./ Приидите вси вѣрніи,/ поклонимся святому Христову Воскресенію:/ се бо прииде крестомъ радость всему міру./ Всегда благословяще Господа,/ поемъ воскресеніе Его:/ распятіе бо притерпѣвъ,// смертію смерть разруши (*трижды*).

**Посемъ.**

Воскресъ Іисусъ отъ гроба,/ якоже прорече,/ даде намъ животъ вѣчный,// миръ и велию милость (*трижды*).

**Пѣснь 7.**

**Ирмосъ.** Отроки отъ печи избавивый,/ бывъ челоѡкъ,/ страждетъ яко смертенъ,/ и страстію смертное, въ нетлѣніе облачитъ благолѣпіе,/

единъ благословенъ// отцевъ Богъ, и препро-  
славленъ.

Жены́ съ муры богомудрыя/ въ слѣдъ Тебе  
течаху:/ Егоже яко мертва со слезами искаху,/  
поклонишася радующыся живому Богу,// и  
Пасху тайную Твоимъ Христе, ученикомъ  
благовѣстиша.

Смерти празднуемъ умершвление,/ адово  
разрушеніе,/ иного житія вѣчнаго начало,/ и  
играюще поемъ виновнаго,/ единого благо-  
словеннаго// отцевъ Бога и препрославлен-  
наго.

Яко воистину священная/ и всепразднствен-  
ная, сія спасительная нощь, и свѣтозарная,  
свѣтоноснаго дне/ востанія сущи провозвѣс-  
тница:// въ нейже безлѣтній Свѣтъ изъ гро-  
ба, плотски всѣмъ возсія.

*Богородичны.*

**Слава.** Умертвивъ Сынъ Твой смерть,/ Все-  
непорочная днесъ,/ всѣмъ смертнымъ пре-  
бывающій животъ, во вѣки вѣковъ дарова,/  
единъ благословенный// отцевъ Богъ и пре-  
прославленный.

**И нынѣ.** Всѣмъ царствуяй созданиемъ,/ бывъ  
человѣкъ,/ вселися въ Твою Богоблагодатная,  
утробу,/ и распятіе претерпѣвъ и смерть,/

воскресе боголѣпно, // совозставивъ насъ яко  
всесилень.

*Таже ектенія малая, и возгласъ.*

Буди держава царствія Твоего, благословенна и  
препрославленна, Отца, и Сына, и Святаго Духа, нынѣ  
и присно, и во вѣки вѣковъ.

*Ликъ: Аминь.*

*Пѣснь 8.*

*Ирмосъ.* Сей нареченный и святой день, /  
единъ субботъ Царь и Господь, / Праздниковъ  
праздникъ, / и торжество есть торжество: // во-  
нъже благословимъ Христа во вѣки.

Приидите новаго винограда рожденія, / бо-  
жественнаго веселія, / въ нарѣчитомъ дни во-  
скресенія, / Царствія Христова приобщимся, //  
поюще Его яко Бога во вѣки.

Возведи окрестъ очи твои Сіоне и виждь: /  
се бо придоша къ тебѣ / яко богосвѣтлая свѣ-  
тила, / отъ запада, и сѣвера, и моря, / и восто-  
ка чада твоя, // въ тебѣ благословящая Христа  
во вѣки.

*Пресвятая Троице Боже нашъ, слава Тебѣ.*

*Троичень.* Отче Вседержителю, и Слове, и  
Душе, / трети соединяемое во вѣпостасѣхъ ес-  
тество, / пресущественне и пребожественне, /  
въ Тя крестихомся, // и Тя благословимъ во  
вся вѣки.

*Богородичны.*

**Слава.** Приїде Тобою въ міръ Господь Дѣво Богородице,/ и чрево адово расторгъ,/ смертнымъ намъ воскресеніе дарова.// Тѣмже благословимъ Его во вѣки.

**И нынѣ.** Всю низложивъ смерти державу Сынъ Твой Дѣво,/ Своимъ воскресеніемъ,/ яко Богъ крѣпкій совознесе насъ и обожи,// тѣмже воспѣваемъ Его во вѣки.

*Таже ектенія малая, и возгласъ.*

Яко благословися имя Твое, и прославися царство Твое, Отца, и Сына, и Святаго Духа, нынѣ и присно, и во вѣки вѣковъ.

**Ликъ:** Аминь.

*Пѣснь 9.*

Величитъ душа моя/ воскресшаго тридневно отъ гроба,// Христа жизнедавца.

**Ирмосъ.** Свѣтися, свѣтися/ новый Іерусалиме:/ слава бо Господня/ на тебѣ возсія./ Ликуй нынѣ, и веселися Сіоне!/ Ты же Чистая красуйся Богородице,// о востаніи рождества Твоего.

Величитъ душа моя/ волею страдавши и погребенна,// и воскресшаго тридневно отъ гроба.

**Ирмосъ.** Свѣтися, свѣтися:

Христось новая пасха,/ жертва живая,// Агнецъ Божій вземляй грѣхи міра.

*Тропарь.* О божественнаго, о любезнаго,/ о сладчайшаго Твоего гласа!/ съ нами бо не-  
ложно обѣщался еси быти/ до скончанія вѣка  
Христе:/ Егоже вѣрніи, утверждєніе надежди  
имуще,// радуемся.

**А**нгель вопіяше Благодатнѣй: чистая Дѣ-  
во, радуйся,/ и паки реку, радуйся: Твой  
Сынъ воскресе/ тридневенъ отъ гроба, и  
мертвыя воздвигнувый,// людіе веселитесь.

*Тропарь.* О Пасха велія и священнѣйшая,  
Христе!/ О Мудросте, и Слове Божій, и сило!/  
подавай намъ истѣе Тебе причащатися,// въ  
невечернѣмъ дни Царствія Твоего.

**В**озбудилъ еси уснувь мертвыя отъ вѣка,/  
царски рыкавый,// яко отъ Іуды левъ.

*Тропарь.* О божественнаго, о любезнаго:

**М**агдалина Марія/ притече ко гробу,/ и  
Христа видѣвши,// яко вертоградаря вопро-  
шаше.

*Тропарь.* О божественнаго, о любезнаго:

**А**нгель облистаяй женамъ вопіяше:/ пре-  
станите отъ слезъ,// яко Христось воскресе.

*Тропарь.* О Пасха велія:

**Х**ристось воскресе, смерть поправый,/ и  
мертвыя воздвигнувый,// людіе веселитесь.

*Тропарь.* О Пасха велія:



Днесь всяка тварь веселится и радуется:/  
яко Христось воскресе, // и адъ плѣнися.

*Тропарь.* О Пасха велія:

Днесь Владыка плѣни ада, / воздвигнувый  
юзники, // яже отъ вѣка имяше люте одержи-  
мыя.

*Тропарь.* О Пасха велія:

Величитъ душа моя / тріѵпостаснаго и  
нераздѣльнаго // Божества державу.

*Тропарь.* О Пасха велія:

Радуйся Дѣво, радуйся, / радуйся благосло-  
венная, / радуйся препрославленная, // Твой  
бо Сынъ воскресе тридневенъ отъ гроба.

*Тропарь.* О Пасха велія:

Величитъ душа моя / воскресшаго триднев-  
но отъ гроба, // Христа жизнедавца.

*Ирмосъ.* Свѣтися, свѣтися:

*Таже.* Христось воскресе изъ мертвыхъ: *трижды.*

*Богородичны.*

*Слава.* Согласно Дѣво, Тебе блажимъ вѣр-  
ніи: / радуйся дворе Господня: / радуйся гра-  
де одушевленный: / радуйся, Еяже ради намъ  
нынѣ возсія свѣтъ, // изъ Тебе рожденнаго  
изъ мертвыхъ воскресенія.

*И нынѣ.* Веселися и радуйся божественная  
двере свѣта: / зашедый бо Исусъ во гробъ

возсія,/ просіявъ солнца свѣтлѣе,/ и вѣрныя  
вся озаривъ, // богорадованная Владычице.

*Таже ектенія малая, и возгласъ.*

Яко Тя хвалятъ вся силы небесныя, Отца, и Сына, и  
Святаго Духа, нынѣ и присно, и во вѣки вѣковъ.

*Ликъ: Аминь.*

*Свѣтиленъ.*

Плотію уснувъ яко мертвъ, Царю и Госпо-  
ди, тридневенъ воскресль еси, Адама воз-  
двигъ отъ тли, и упразднилъ смерть: Пасха  
нетлѣннѣя, міра спасеніе (*трижды*).

*На Хвалитѣхъ, Всякое дыханіе: на гласъ 1.*

*Стихъ. Хвалите Его на силахъ Его, хвалите  
Его по множеству величества Его.*

Поемъ Твою Христе спасительную стра-  
сть, // и славимъ Твое воскресеніе.

*Стихъ. Хвалите Его во гласѣ трубнѣмъ, хва-  
лите Его во псалтири и гуслехъ.*

Крестъ претерпѣвый, / и смерть упразд-  
нивый, / и воскресый изъ мертвыхъ, / умири  
нашу жизнь Господи, // яко единъ всесильнъ.

*Стихъ. Хвалите Его въ тимпанѣ и лицѣ,  
хвалите Его во струнахъ и оргѣнѣ.*

Ада плѣнивый, / и челоуѣка воскресивый,  
воскресеніемъ Твоимъ Христе: / сподоби ны  
чистымъ сердцемъ, // Тебе пѣти и славити.

*Стихъ. Хвалите Его въ кимвалѣхъ добро-*

гласныхъ, хвалите Его въ кимвалѣхъ восклицанія. Всякое дыханіе да хвалить Господа.

Боголѣпное Твое снизхождение славяще,/ поемъ Тя Христе:/ родился еси отъ Дѣвы,/ и неразлученъ былъ еси отъ Отца:/ пострадалъ еси яко человекъ,/ и волею претерпѣлъ еси крестъ,/ воскресъ еси отъ гроба яко отъ чертога произшедъ,/ да спасеши міръ,// Господи слава Тебѣ.

*Стихиры Пасхи, гласъ 5.*

*Стихъ.* Да воскреснетъ Богъ, и расточатся врази Его.

Пасха священная намъ днесь показася:/ Пасха нова святая:/ Пасха таинственная:/ Пасха всечестная:/ Пасха Христось Избавитель:/ Пасха непорочная:/ Пасха великая:/ Пасха вѣрныхъ:/ Пасха двери райскія намъ отверзающая:// Пасха всѣхъ освящающая вѣрныхъ.

*Стихъ.* Яко исчезаетъ дымъ, да исчезнутъ.

Приидите отъ видѣнія жены благовѣстницы,/ и Сіону рцйте:/ пріими отъ насъ радости благовѣщенія, воскресенія Христова:/ красуйся, ликуй,/ и радуйся Іерусалиме,/ Царя Христа узрѣвъ изъ// гроба, яко жениха происходяща.

*Стихъ.* Тако да погибнуть грѣшницы отъ лица Божія, а праведницы да возвеселятся.

Мүроносицы жены,/ утру глубокү/ представша гробу Живодавца,/ обрѣтоша Ангела на камени сѣдяща,/ и той провѣщавъ имъ сице глаголаше:/ что ищите живаго съ мертвыми?/ что плачите нетлѣннаго во тли?// шедше проповѣдите ученикомъ Его.

*Стихъ.* Сей день, егоже сотвори Господь, возрадуемся и возвеселимся вонь.

Пасха красная,/ Пасха, Господня Пасха,/ Пасха всечестная/ намъ возсія. Пасха,/ радостію другъ друга обѣимемъ./ О Пасха!/ избавленіе скорби,/ ибо изъ гроба днесъ/ яко отъ чертога/ возсіявъ Христосъ,/ жены радости исполни глаголя:// проповѣдите апостоломъ.

*Слава Отцу и Сыну и Святому Духу, и нынѣ и присно и во вѣки вѣковъ, аминь.*

Воскресенія день,/ и просвѣтимся торжествомъ,/ и другъ друга обѣимемъ./ Рцемъ братіе! и ненавидящымъ насъ,/ простимъ вся воскресеніемъ,/ и тако возопимъ:// Христосъ воскресе изъ мертвыхъ, смертію смерть поправъ, и сущимъ во гробѣхъ животь даровавъ.

Таже, Христось воскресе: *трижды*.

И поемъ сіе многажде, дондеже братія цѣлуеть другъ друга. Посемъ чтется Слово Огласительное свт. Іоанна Златоустаго. Не сѣдимъ же на сицевомъ чтеніи, но стояще слушаемъ вси.

ИЖЕ ВО СВЯТЫХЪ ОТЦА НАШЕГО ІОАННА ЗЛАТОУСТАГО  
СЛОВО ОГЛАСИТЕЛЬНОЕ ВО СВЯТЫЙ И СВѢТНОСНЫЙ  
ДЕНЬ ПРЕСЛАВНАГО И СПАСИТЕЛЬНОГО ХРИСТА БОГА  
НАШЕГО ВОСКРЕСЕНІЯ.

Павловы уста, Христовы уста. Христовы же уста, Павловы уста. Уста Златоустовы и Павловы уста. Иже во святыхъ отца нашего Іоанна Златоустаго, патриарха Царя Града. Слово на святую Пасху учительно. И о еже опоздѣвшихъ къ подвигу постному.

Аще кто благочестивъ и боголюбивъ, да насладится сего добраго и свѣтлаго торжества. Аще кто рабъ благоразумный, да внидетъ радуясь въ радость Господа своего. Аще кто потрудися постяся, да воспріиметь нынѣ динарій. Аще кто отъ перваго часа дѣлалъ есть, да пріиметь днесъ праведный долгъ. Аще кто по третіемъ часѣ пріиде, благодаря да празднуеть. Аще кто по шестомъ часѣ достиже, ничтоже да усомнится, ибо ничімже отщетевається. Аще кто лишился и девятого часа, да приступить, безъ сомнѣнія, ни-

чтоже бояся. Аще кто и во единонадесятый часъ прїиде, да не устрашится замедленїя: любочестивъ бо сый Владыка, прїемлетъ послѣдняго, якоже и перваго: упокоеваетъ въ единонадесятый часъ пришедшаго, якоже дѣлавшаго отъ перваго часа. И послѣдняго милуетъ, и перваго утѣшаетъ, и оному даетъ, и сему дарствуетъ, и дѣла прїемлетъ, и намѣренїе цѣлуетъ, и дѣянїе почитаетъ, и предложенїе хвалитъ. Тѣмже убо внидите вси въ радость Господа своего: и первїи и вторїи и послѣднїи, мзду прїимите. Богатїи и убозїи, и нищїи другъ со другомъ ликуйте. Воздержницы и лѣнивїи, день почтите. Постившіися и непостившіися, возвеселитесь днесь. Трапеза церковная исполнена, насладитесь вси. Телець упитанный предлежитъ, никтоже да изыдетъ алчай, вси насладитесь пира церковнаго: вси воспрїимите богатство благодсти. Никтоже да рыдаетъ убожества, явися бо общее Царство. Никтоже да ослабѣетъ, никтоже да плачетъ прегрѣшенїй, прощенїе бо отъ гроба возсія. Никтоже да убоится смерти, свободи бо насъ Спасова смерть. Угаси ю, иже отъ нея держимый. Плѣни ада, сошедый во адъ! Огорчи его, вкусивша плоти Его. И

сіе підприємый Исаія возопи: адъ, глаголетъ, огорчися, срѣтъ тя долѣ. Огорчися, ибо упразднися: огорчися, ибо поруганъ бысть: огорчися, ибо умертвися. Огорчися, ибо низложися: огорчися, ибо связася. Пріятъ тѣло, и Богу приразися: пріятъ землю, и срѣте небо: пріятъ еже видяше, и впаде во еже не видяше. Гдѣ твое, смерте, жало? гдѣ твоя, аде, побѣда? Воскресе Христось, и ты низверглся еси. Воскресь Христось, и падоша демони. Воскресе Христось, и радуются ангели. Воскресе Христось, и жизнь жительствуетъ во всемъ мірѣ. Воскресе Христось, и мертвый ни единъ во гробѣ: Христось бо воставъ отъ мертвыхъ, начатокъ усопшихъ бысть. Тому слава и держава, во вѣки вѣковъ, аминь.

*Таже тропарь Іоанну Златоустому, гласъ 8.*

Усть твоихъ якоже свѣтлость огня возсіявши благодать, вселенную просвѣти:/ не сребролюбія мірови сокровища сниска,/ высоту намъ смиреномудрія показа./ Но твоими словесы наказуя, отче Іоанне Златоусте,// моли Слова Христа Бога, спастися душамъ нашимъ.

**Посемь ектеніи:** Помилуй насъ Боже: **и** Исполнимъ утреннюю молитву нашу Господеви.

**И по возгласѣ діаконъ:** Премудрость.

**Ликъ:** Благослови.

**Настоятель:** Сый благословень Христось Богъ нашъ, всегда, нынѣ и присно, и во вѣки вѣковъ.

**Ликъ:** Аминь. Утверди Боже:

**Посемъ настоятель держа крестъ, вмѣсто: Слава Тебѣ Христе Боже: поеть:** Христось Воскресе изъ мертвыхъ, смертію смерть поправъ.

**Ликъ.** И сущимъ во гробѣхъ животь даровавъ.

**И абіе настоятель глаголетъ отпустъ.**

Христось, воскресый изъ мертвыхъ, смертію смерть поправый, и сущимъ во гробѣхъ животь даровавый, истинный Богъ нашъ, молитвами Пречистыя Своя Матере, и всѣхъ святыхъ, помилуетъ и спасетъ насъ, яко благъ и человекѡлюбець.

**Ликъ:** Аминь.

**Таже крестъ возвышая, глаголетъ:**

Христось воскресе! *Трижды.*

**Людіе отвѣщаютъ:** Воистину воскресе! *Трижды.*

**Таже поемъ конечное:** Христось воскресе: *трижды весь тропарь.*

И намъ дарова животь вѣчный, поклоняемся Его тридневному воскресенію.

И цѣлуемъ честный крестъ держимый въ руку настоятеля.



## ПАСХАЛЬНЫЕ ЧАСЫ

Подобаеть вѣдати, яко отъ сего дне Святыя и Великія недѣли Пасхи, даже до субботы, **Часы, Полу-**



**нощница, Повечеріе, Утренія и Вечернія молитвы**  
сице поются.

**Наченшу іерею:** Благословенъ Богъ нашъ:

**Ликъ:** Аминь. Христосъ воскресе изъ мертвыхъ:  
*трижды.*

Воскресеніе Христово видевше,/ поклонимся Святому Господу Иисусу,/ Единому безгрѣшному./ Кресту Твоему поклоняемся Христе,/ и святое Воскресеніе Твое поемъ и славимъ:/ Ты бо еси Богъ нашъ,/ развѣ Тебе иного не знаемъ,/ имя Твое именуемъ./ Приидите вси вѣрніи,/ поклонимся святому Христову Воскресенію:/ се бо прииде крестомъ радость всему міру./ Всегда благословяще Господа,/ поемъ воскресеніе Его:/ распятіе бо претерпѣвъ, // смертію смерть разруши (*трижды*).

*Упакои.*

Предварившыя утро яже о Маріи,/ и обрѣтшыя камень отваленъ отъ гроба,/ слышаху отъ Ангела: во свѣтѣ присносущнѣмъ Сущаго,/ съ мертвыми что ищите яко чловѣка?/ видите гробныя пелены, тецыте и міру проповѣдите,/ яко воста Господь, умертвивый смерть, // яко есть Сынъ Бога, спасающаго родъ чловѣчскій.

*Кондакъ.*

Аще и во гробъ снизшелъ еси Безсмертне,/ но адову разрушилъ еси силу,/ и воскресъ еси яко побѣдитель Христе Боже,/ женамъ мврносицамъ вѣщавый: радуйтесь,/ и Твоимъ апостоломъ миръ даруай,// падшымъ подай воскресеніе.

*Таже тропарь.*

Во гробъ плотски, во адѣ же съ душею яко Богъ,/ въ раи же съ разбойникомъ, и на Престолѣ былъ еси Христе со Отцемъ и Духомъ,// вся исполняяй неописанный.

**Слава.** Яко Живоносець, яко рая краснѣйшій,/ воистину и чертога всякаго царскаго показася свѣтлѣйшій Христе гробъ Твой,// источникъ нашего воскресенія.

**И нынѣ.** Вышняго освященное Божественное селеніе, радуйся:/ Тобою бо дадеся радость Богородице, зовущимъ:// благословенна Ты въ женахъ еси всенепорочная Владычице.

Господи помилуй (*40 разъ*).

**Слава, и нынѣ.**

Честнѣйшую Херувимъ: **Именемъ Господнимъ** благослови отче.

**Иерей:** Молитвами святыхъ отецъ нашихъ:

**Ликъ:** Аминь.

**И паки глаголемъ подобнѣ:** Христось воскрес: трижды. **Слава, и нынѣ.** Господи помилуй, трижды.

Благослови. И отпустъ Перваго часа отъ іерея.

Симъ же образомъ поется за Третій, Шестый, Десятый часъ, и за Повечеріе единожды. Такожде и за Полунощницу.

### **Мірскимъ чиномъ**

отпустъ творится тако: по Господи помилуй (*40 разъ*). Слава, и нынѣ. Честнѣйшую Херувимъ: Господи помилуй, Господи помилуй, Господи благослови.

Молитвъ ради святыхъ отецъ нашихъ, Господи Исусе Христе Сыне Божій, помилуй насъ. Аминь.

**Христось воскресе: трижды.**

*И отпустъ.*

Воскресе изъ мертвыхъ Господи Исусе Христе, Сыне Божій, молитвъ ради Пречистыя Твоя Матере и всѣхъ ради святыхъ, помилуй и спаси насъ яко Благовѣстникъ и Человѣколюбець. Аминь.

**Христось воскресе: трижды.**

**И** намъ дарова животь вѣчный, покланяемся Его тридневному воскресенію.



### **ПОСЛѢДОВАНІЕ ЛИТУРГІИ.**

**Настоятелю же возгласившу:**

Благословенно Царство Отца, и Сына, и Святаго Духа, нынѣ и присно, и во вѣки вѣковъ.

**Ликъ:** Аминь.

**Настоятель поетъ во святомъ алтарѣ:**

**Христось воскресе изъ мертвыхъ, смертію**

смерть поправъ, и сущимъ во гробѣхъ животъ даровавъ (трижды).

И ликъ тойжде, трижды.

Настоятель глаголетъ стихи:

Да воскреснетъ Богъ, и расточатся врази Его: и да бѣжатъ отъ лица Его ненавидящии Его.

Ликъ: Христосъ воскресе изъ мертвыхъ:

Яко исчезаетъ дымъ да исчезнутъ, яко таетъ воскъ отъ лица огня.

Ликъ: Христосъ воскресе изъ мертвыхъ:

Такъ да погибнуть грѣшницы отъ лица Божія, а праведницы да возвеселятся.

Ликъ: Христосъ воскресе изъ мертвыхъ:

Сей день, егоже сотвори Господь, возрадуемся и возвеселимся вонь.

Ликъ: Христосъ воскресе изъ мертвыхъ:

Слава Отцу и Сыну и Святому Духу.

Ликъ: Христосъ воскресе изъ мертвыхъ:

И нынѣ и присно и во вѣки вѣковъ, аминь.

Ликъ: Христосъ воскресе изъ мертвыхъ:

Настоятель: Христосъ воскресе изъ мертвыхъ, смертію смерть поправъ.

Ликъ: И сущимъ во гробѣхъ животъ даровавъ.

Таже ектенія великая: Миромъ Господу помолимся.

По ектеніи и возгласъ, антифонъ 1-й, Пс. 65, гласъ 2.

*Стихъ 1.* Воскликните Господеви вся земля,  
пойте же имени Его, дадите славу хвалѣ Его.

Молитвами Богородицы, Спасе, спаси насъ.

*Стихъ 2.* Рцѣте Богу: коль страшна дѣла  
Твоя, во множествѣ силы Твоя солжуть  
Тебѣ врази Твои.

Молитвами Богородицы, Спасе, спаси насъ.

*Стихъ 3.* Вся земля да поклонится Тебѣ,  
и поеть Тебѣ, да поеть же имени Твоему  
Вышній.

Молитвами Богородицы, Спасе, спаси насъ.

Слава Отцу, и Сыну, и Святому Духу, и  
нынѣ и присно, и во вѣки вѣковъ. Аминь.

Молитвами Богородицы, Спасе, спаси насъ.

Таже, ектенія малая.

Антифонъ 2-й, Пс. 66, гласъ 2.

*Стихъ 1.* Боже ущедри ны и благослови ны.

Спаси ны Сыне Божій, воскресый изъ мертвыхъ,  
поющія Ти: аллилуіа.

Боже ущедри ны и благослови ны, прос-  
вѣти лице Твое на ны, и помилуй ны.

Спаси ны, Сыне Божій:

*Стихъ 2.* Да познаемъ на земли путь Твой,  
во всѣхъ языкѣхъ спасеніе Твое.

Спаси ны, Сыне Божій:

*Стихъ 3.* Да исповѣдятся Тебѣ людіе Боже,  
да исповѣдятся Тебѣ людіе вси.

Спаси ны, Сыне Божій:

Слава, и нынѣ. Единородный Сыне:

Таже, ектенія малая.

Антифонъ 3-й, Пс. 67, гласъ 5.

*Стихъ 1.* Да воскреснетъ Богъ, и расточатся  
врази Его.

*Ликъ.* Христось воскресе: *единожды.*

Да воскреснетъ Богъ, и расточатся врази  
Его, и да бѣжатъ отъ лица Его ненавидящій  
Его.

*Ликъ.* Христось воскресе: *единожды.*

*Стихъ 2.* Яко исчезаетъ дымъ, да исчезнутъ,  
яко таетъ воскъ отъ лица огня.

*Ликъ.* Христось воскресе: *единожды.*

*Стихъ 3.* Тако да погибнуть грѣшницы отъ  
лица Божія, а праведницы да возвеселятся, да  
возрадуются предъ Богомъ.

*Ликъ.* Христось воскресе: *единожды.*

И бываетъ входъ. И возглашаетъ діаконъ или іерей.

Премудрость, прости.

*Входное.* Въ церквахъ благословите Бога, Госпо-  
да отъ источникъ Израилевыхъ.

*Ликъ, тропарь.* Христось воскресе:

*Упакои.* Предварившыя утро:

Слава, и нынѣ. *Кондакъ.* Аще и во гробъ снизшелъ:

*Вмѣсто же трисвятаго.*

Елицы во Христа крестистесе, во Христа облекосте-  
ся: аллилуіа. (*3-жды и прочая*).

*Прокимень, гласъ 8.*

Сей день, егоже сотвори Господь, возрадуемся и

возвеселимся вонь.

*Стихъ.* Исповѣдайтеся Господеви, яко благъ, яко въ вѣкъ милость Его.

*Апостоль Дѣяній, зачало 1-е.* Первое убо слово:

*Аллилуіа, гласъ 4.*

Ты воскресъ ущедриши Сіона.

*Стихъ.* Господь съ небесе на землю призрѣ.

*Евангеліе отъ Іоанна, зачало 1-е.* Въ началѣ бѣ Слово:

*Вмѣсто же «Достойно» поемъ:* Ангелъ вопіяше Благодатнѣй:

*И ирмосъ.* Свѣтися, свѣтися:

*Причастный.* Тѣло Христово приимите, источника безсмертнаго вкусите. Аллилуіа.

*Егда же настоятель глаголетъ:* Со страхомъ Божіимъ и вѣрою приступите; *мы же вмѣсто:* *Благословенъ грядый:* поемъ: Христось воскресе: *единожды.* *Настоятель глаголетъ:* Спаси Боже люди Твоя: *и мы:* Христось воскресе: *единожды.* *Егда же изглаголетъ іерей:* Всегда нынѣ и присно: *и мы:* Христось воскресе: *единожды.* *Посемъ ектенія.* *Вмѣсто:* Буди имя Господне: *и вмѣсто псалма:* *Благословлю Господа:* поемъ: Христось воскресе: *Таже настоятель:* *Благословеніе Господне на васъ:* *Ликъ:* Аминь. *Посемъ настоятель вмѣсто:* *Слава Тебѣ Христе Боже:* поетъ: Христось воскресе изъ мертвыхъ: *и ликъ:* И сущимъ во гробѣхъ животь даровавъ.

*Да будетъ же вѣстно и сіе, яко вратъ царскихъ алтаря великихъ же и отъ странъ малыхъ, по всѣмъ церквамъ во всю Свѣтлую седмицу не затворяемъ и во время причащенія.*

**Молитва во еже благословити брашна мясь,  
во святую Великую недѣлю Пасхи.**

Творить іерей. Благословенъ Богъ нашъ:

Христось воскрес: *трижды.*

*Таже.* Господу помолимся. Господи помилуй.

Призри Господи Иисусе Христе Боже нашъ, на брашна мясь, и освяти ихъ, якоже освятилъ еси овна, егоже Тебѣ приведе вѣрный Авраамъ, и агнца, егоже Тебѣ Авель во всеплодіе принесе: подобнѣ и тельца упитаннаго, егоже жрети повелѣлъ еси сынови Твоему заблудшему, и паки къ Тебѣ возвращшемуся: да якоже той сподобися Твояя благодати насладитися, сице и освященныхъ отъ Тебе, и благословенныхъ насладимся въ пищу всѣхъ насъ. Ты бо еси истинная пища, и податель благихъ, и Тебѣ славу возсылаемъ со безначальнымъ Твоимъ Отцемъ, и Пресвятымъ, и Благимъ, и Животворящимъ Твоимъ Духомъ, нынѣ и присно, и во вѣки вѣковъ. Аминь.

**Молитва во еже благословити сыръ и яйца.**

Владыко Господи Боже нашъ, зиждителю и содѣтелю всѣхъ, благослови сыръ, съ нимже и яйца: насъ же соблюди во благодати Твоей, яко да вкушающа ихъ, исполнимся Твоихъ изобильно подаваемыхъ даровъ, и неизгла-



голанная Твоя благодости. Яко Твоя держава и Твое есть Царство, и сила и слава, Отца и Сына и Святаго Духа, нынѣ и присно, и во вѣки вѣковъ. Аминь.

**Молитва надъ пасхою, во Святую и Великую недѣлю.**

Единородный Сыне Божій, показавый ученикомъ славу Своего Божества. И тѣми на спасеніе приведъ человекѣ. И Самъ Собою прообразивый постъ честный, и великій. Постився днй чотыредесять, и нощій чотыредесять. Тако же и Моисей, и Илія, и апостоли, и вси святіи. И насытивый отъ пяти хлѣбовъ пять тысящъ людій. Ты благослови и нынѣ, Владыко, пасху сію, да будетъ намъ рабомъ Твоимъ отъ Тебе Бога нашего, вкушающимъ на здравіе, и на спасеніе душамъ и тѣломъ нашимъ. Яко Ты еси Богъ нашъ, и Тебѣ славу возсылаемъ, со Отцемъ и со Святымъ Духомъ, нынѣ и присно и во вѣки вѣковъ. Аминь.

**Недостойтъ мясь въ церковь вносити. Но точію въ притворѣ поставляти и молитвы творити. По молитвѣ же паки приносящимъ въ дома своя относити. Пресвитеромъ же отъ мясь ничтоже себе вимати, кромѣ иже отъ млека и сыра, и прочихъ. Млеко же и сыры и медь въ церковь приносить освященія ради.**

**Достоить о семъ вѣдати, яко во святую Великую**

недѣлю Пасхи не подобаетъ приносить въ церкви мясныхъ частей, или ино что отъ животныхъ. О семь глаголетъ шестаго вселенскаго собора, правило 99.

*(Большой Трѣбникъ. 1639).*

### Молитва на Воскресеніе Христово.

Владыко Господи Боже нашъ, сподобивый насъ прейти время честнаго и божественнаго поста, воображеннаго намъ Тобою, и даннаго намъ четыредесятьми дѣньми. Положивый намъ покаяніе, ко спасенію душамъ, къ чистотѣ тѣломъ и на прогнаніе бѣсовомъ. Показавый намъ образъ честнаго Креста Твоего поклоненіе. И даровавый намъ цѣловати прикосновеніемъ нашихъ недостойныхъ устъ. Сподобивый насъ услышати друга Твоего Лазаря воскресеніе, и вхожденіе Твое во Іерусалимъ. Предварившимъ и подражавшимъ дѣтемъ еврейскимъ, глаголющимъ, осанна въ вышнихъ, и видѣти страсти Твоя спасенныя, и поклонитися Божественному Твоему распятію и погребенію. И достигнути честнаго и Божественнаго Твоего воскресенія. Тѣмже радостію вопіемъ, видѣвше днесь воскресшаго Тя Христа Бога нашего, со ангелы же и архангелы, херувимы и серафими, и со всѣми святыми, и со Пре-

чистою Матерію Твоею. Славяще и хваляще Тебе великаго Бога, и Спаса нашего Ісуса Христа. И нынѣ молимъ Тя Владыко о рабѣхъ Твоихъ, **имярекъ**, прибѣгшихъ подѣ кровь храма Твоего. Пріими покаяніе ихъ, и прости ихъ воскресенія твоего ради, отъ множества безчисленныхъ грѣховъ, вѣдомыхъ и невѣдомыхъ, вольныхъ и невольныхъ. Очисти ихъ якоже блудницу плакавшуюся, и Петра отвергшагося, и плакавшаяся горко, паки пріялъ еси. Пріими смиреніе и исповѣданіе рабъ Твоихъ. Якоже пріялъ еси мытаря съ въздыханіемъ молящася. И вложи имъ страхъ Твой въ сердца ихъ, бояться Тебе, и любити Тя отъ всего сердца своего. И даждь имъ сохранить вся заповѣди Твоя, во вся дни живота ихъ, и ходити въ воли Твоей. И сподоби ихъ неосужденно пріити, и причаститися пречистаго Твоего Тѣла, и честнѣй Крови Твоей. Да достойно пріемлюще, причастницы будутъ Царствія Твоего, хваляще Тя и славяще со безначальнымъ Твоимъ Отцемъ и Пресвятымъ и Благимъ и Животворящимъ Твоимъ Духомъ, нынѣ и пристно и во вѣки вѣковъ. Аминь.

## ВО СВЯТУЮ И ВЕЛИКУЮ НЕДѢЛЮ ПАСХИ ВЕЧЕРА.

Настоятель облачится во всю священную одежду. И ставъ предъ святою трапезою съ кадиломъ, знаменуетъ крестовидно, и возглашаетъ. Благословенъ Богъ нашъ:

Ликъ: Аминь.

Настоятель. Христось воскресе изъ мертвыхъ, смертію смерть поправъ, и сущимъ во гробѣхъ животь даровавъ (*трижды*).

И ликъ тойжде, трижды.

Настоятель глаголетъ стихи: Да воскреснетъ Богъ: и проч.

Таже ектенія великая. Миромъ Господу помолимся.

Посемъ. Господи воззвахъ: поемъ во гласъ 2. Поставимъ стиховъ 6, и поемъ стихиры воскресны, гласъ 2.

Прежде вѣкъ отъ Отца рождшемуся Божію Слову,/ воплощшемуся отъ Дѣвы Маріи,/ приидите поклонимся:/ крестъ бо претерпѣвъ,/ погребенію предадеса, яко Самъ восхотѣ,/ и воскресъ изъ мертвыхъ, // спасе мя заблуждающаго челоуѣка.

Христось Спасъ нашъ,/ еже на ны рукописаніе пригвоздивъ на крестѣ заглади,/ и смертную державу упраздни:// поклоняемся Его тридневному воскресенію.

Со Архангелы воспоимъ Христово воскресеніе:/ Той бо есть Избавитель и Спасъ душъ нашихъ,/ и въ славѣ страшной, и крѣ-

пцѣй силѣ, // паки грядетъ судити міру, егоже созда.

**Т**ебе распеншагося и погребеннаго, / Ангелъ проповѣда Владыку, и глаголаше женамъ: / приидите, видите, идѣже лежаше Господь: / воскресе бо, якоже рече, яко всеиленъ. / Тѣмже Тебѣ поклоняемся, единому безсмертному: // Жизнодавче Христе, помилуй насъ.

**К**рестомъ Твоимъ упразднилъ еси, / юже отъ древа клятву: / погребеніемъ Твоимъ умертвилъ еси смерти державу: / востаніемъ же Твоимъ просвѣтилъ еси родъ человѣческой. / Сего ради вопіемъ Ти: // Благодарителю Христе Боже нашъ, слава Тебѣ.

**О**тверзошася Тебѣ Господи, / страхомъ врата смертная, / вратницы же адовы видѣвше Тя убояшася: / врата бо мѣдная сокрушилъ еси, / и верей желѣзныя стерлъ еси, / и извелъ еси насъ отъ тмы и сѣни смертныя, // и узы наша растерзалъ еси.

**Слава.** Спасительную пѣснь поюще, отъ устъ возслемъ: / приидите вси, въ дому Господнемъ припадемъ, глаголюще: / на древѣ распныйся, и изъ мертвыхъ воскресый, / и Сый въ нѣдрѣхъ Отчихъ, // очисти грѣхи наша.

**И нынѣ.** Прейде сѣнь законная,/ благодати  
пришедши,/ якоже бо купина не сгараше опа-  
ляема:/ тако Дѣва родила еси,/ и Дѣва пребы-  
ла еси./ Вмѣсто столпа огненнаго,/ праведное  
возсія солнце:/ вмѣсто Моисея, // Христось  
спасеніе душъ нашихъ.

**Входь съ Евангеліемъ.** Свѣте тихій:

**Таже, Прокимень великій, гласъ 7.**

**Кто Богъ велій яко Богъ нашъ, Ты еси Богъ  
творяй чудеса.**

**Стихъ.** Сказалъ еси въ людехъ силу Твою.

**Стихъ 2.** И рѣхъ: нынѣ начахъ, сія измѣна  
десницы Вышняго.

**Стихъ 3.** Помянухъ дѣла Господня, яко по-  
мяну отъ начала чудеса Твоя.

**И паки.** Кто Богъ велій яко Богъ нашъ:

**По прокимнѣ же возглашаетъ діаконъ.**

**И** о сподобитися намъ слышанію святаго Евангелія,  
Господа Бога молимъ.

**Посемъ чтеть Евангеліе настоятель въ алтарѣ.  
Іоанна, зачало 65.** Сущу поздѣ:

**Посемъ ектенія.** Рцемъ вси:

**Таже.** Сподоби Господи въ вечеръ сей:

**И ектенія.** Исполнимъ вечернюю молитву:

**И по возгласѣ поемъ стихиру воскресну, гласъ 2.**

**Воскресеніе Твое Христе Спасе,/ всю про-  
свѣти вселенную,/ и призывалъ еси Твое соз-  
даніе, // всесильне Господи слава Тебѣ.**

Таже стихиры Пасхи съ припѣвы ихъ, гласъ 5.

*Стихъ.* Да воскреснетъ Богъ, и расточатся  
врази Его.

Пасха священная намъ днесъ показася:/  
Пасха нова святая:/ Пасха таинственная:/  
Пасха всечестная:/ Пасха Христось Избави-  
тель:/ Пасха непорочная:/ Пасха великая:/  
Пасха вѣрныхъ:/ Пасха двери райскія намъ  
отверзающая:// Пасха всѣхъ освящающая  
вѣрныхъ.

*Стихъ.* Яко исчезаетъ дымъ, да исчезнуть.

Приидите отъ видѣнія жены благовѣст-  
ницы,/ и Сіону рцйте:/ приими отъ насъ ра-  
дости благовѣщенія, воскресенія Христова:/  
красуйся, ликуй,/ и радуйся Іерусалиме,/  
Царя Христа узрѣвъ изъ// гроба, яко жениха  
происходяща.

*Стихъ.* Тако да погибнуть грѣшницы отъ  
лица Божія, а праведницы да возвеселятся.

Мвроносицы жены,/ утру глубоку/ пред-  
ставша гробу Живодавца,/ обрѣтоша Ан-  
гела на камени сѣдяща,/ и той провѣщавъ  
имъ сице глаголаше:/ что ищите живаго съ  
мертвыми?/ что плачете нетлѣннаго во тли?//  
шедше проповѣдите ученикомъ Его.

*Стихъ.* Сей день, егоже сотвори Господь,

**возрадуемся и возвеселимся вонь.**

Пасха красная,/ Пасха, Господня Пасха,/ Пасха всечестная/ намъ возсія. Пасха,/ радостію другъ друга объимемъ./ О Пасха!/ избавленіе скорби,/ ибо изъ гроба днесъ/ яко отъ чертога/ возсіявъ Христось,/ жены радости исполни глаголя:// проповѣдите апостоломъ.

**Слава, и нынѣ.**

Воскресенія день,/ и просвѣтимся торжествомъ,/ и другъ друга объимемъ./ Рцемъ братіе! и ненавиждающимъ насъ,/ простимъ вся воскресеніемъ,/ и тако возопимъ:// Христось воскресе изъ мертвыхъ, смертію смерть поправъ, и сущимъ во гробѣхъ животь даровавъ.

**Таже, Христось воскресе: трижды.**

**Посемъ.** Премудрость. **Ликъ:** Благослови. **Настоятель:** Сый благословенъ Христось Богъ нашъ: **Ликъ:** Утверди Боже: **Настоятель, вмѣсто:** Слава Тебѣ Христе **Боже:** Христось Воскресе изъ мертвыхъ: **Ликъ:** И сущимъ во гробѣхъ животь даровавъ. **И абіе глаголетъ отпустить со крестомъ.** Воскресый изъ мертвыхъ:

**И прочее, якоже изъявися въ концѣ утрени.**

**Посемъ.** И намъ даровавъ животь вѣчный,  
поклоняемся Его тридневному  
воскресенію.

**Конецъ, и Богу слава!**



## О ДНѢ ПРАЗДНОВАНІЯ СВЯТЫЯ ПАСХИ.

Аще кто, епископъ, или пресвитеръ, или діаконъ, святой день Пасхи прежде весеняго равноденствія съ іудеями праздновати будетъ: да будетъ изверженъ отъ священнаго чина.

*(7-е правило Св. Апостоль).*

Всѣ дерзающіе нарушати опредѣленіе Святаго и Великаго Собора въ Никеи, бывшаго въ присутствіи благочестивѣйшаго и боголюбивѣйшаго царя Константина, о святомъ праздникѣ спасительныя Пасхи, да будутъ отлучены отъ общенія и отвержены отъ церкви, аще продолжаютъ любопрительно возставати противу добраго установленія. И сіе речено о мірянахъ.

Аще же кто изъ предстоятелей церкви, епископъ или пресвитеръ, или діаконъ послѣ сего опредѣленія, дерзнетъ къ развращенію людей и къ возмущенію церковей, особитися, и со іудеями совершати Пасху: таковаго святой соборъ отнынѣ уже осуждаетъ, быти чуждымъ церкви, яко содѣлавшагося не токмо виною грѣха для самага себя, но и виною разстройства и развращенія многихъ. И не токмо таковыхъ соборъ отрѣшаетъ отъ

священнослуженія, по и всѣхъ дерзающихъ быти въ общеніи съ ними, но ихъ изверженіи изъ священства. Изверженные же лишаются и внѣшнія чести, каковыя были они причастны по святому правилу и Божію священству.

*(1-е правило Св. Антіохійскаго Собора).*

**КАКЪ ХРИСТІАНИНЪ ДОЛЖЕНЪ ПРОВОДИТЬ ДНИ  
СВЯТЫЯ ПАСХИ.**

Отъ святаго дня Воскресенія Христа Бога нашего до недѣли новыя, во всю седмицу вѣрные должны во святыхъ церквахъ непрестанно упражняться во псалмѣхъ и пѣніихъ и пѣснѣхъ духовныхъ, радуясь и торжествуя во Христѣ и чтенію божественныхъ писаній, внимая и святыми тайнами наслаждаяся. Ибо такимъ образомъ со Христомъ купно воскреснемъ, и вознесемъ. Того ради отнюдь въ реченные дни да не бываетъ конское ристаніе, или иное народное зрѣлище.

*(66-е правило 6-го Вселенскаго Собора).*

